



Broj: Ž-SA-06-719/20

Datum: 03.09.2020.

**Ministarstvo obrazovanja i nauke
Tuzlanskog kantona
Muhameda Hevajija Uskufija broj 1
75 000 Tuzla**

HITNO !!!

**n/r ministrice
Brašnjčić Fahrete**

Predmet: Informacija, traži se

Ombudsmanima za ljudska prava Bosne i Hercegovine pritužbom se obratio Nikolić Danijel i predmet je registriran pod brojem Ž-SA-06-719/20.

U pritužbi izjavljenoj Ombudsmanima za ljudska prava Bosne i Hercegovine ističe se da su Odlukom Ministarstva obrazovanja i nauke Tuzlanskog kantona o dodjeli besplatnih udžbenika za učenike osnovnih škola od prvog do četvrtog razreda izostavljeni učenici koji pohađaju Javnu ustanovu Osnovna škola „Sveti Franjo“ u Tuzli i izučavaju hrvatski jezik.

Pritužitelj ističe da njegova kćerka pohađa treći razred pomenute javne ustanove, da prema Konvenciji Ujedinjenih naroda o pravima djeteta, a čija je potpisnica Bosna i Hercegovina, svako dijete ima jednaka prava, što u ovom slučaju nije ispoštovano, te smatra da je predmetna odluka diskriminatorna.

Obzirom na prednje, pritužbeni navodi nedvojbeno ukazuju moguća kršenja Konvencije Ujedinjenih naroda o pravima djeteta¹, točnije temeljnih principa na kojima se baziraju sva prava djeteta garantirana Konvencijom i to:

- *načelo nediskriminacije* prema kojemu djeca ne smiju trpiti diskriminaciju "neovisno o rasi, boji kože, spolu, jeziku, vjeri, političkom ili drugom mišljenju, nacionalnom, etničkom ili društvenom podrijetlu, vlasništvu, teškoćama u razvoju, rođenju ili drugom statusu djeteta, njegovih roditelja ili zakonskih zastupnika;
- *načelo najboljeg interesa djeteta* prema kojem pri donošenju svih odluka ili izvršenju odluka koje utiču na dijete ili na djecu kao skupinu, najvažniji mora biti najbolji interes djeteta. To uključuje odluke koje donose vladina upravna ili zakonodavna tijela, ali i odluke koje donosi obitelj;
- *načelo zaštite života, opstanka i razvoja* u svim aspektima života (tjelesni, emotivni, psihosocijalni, kognitivni, društveni i kulturni).

¹ Konvencija o pravima djeteta je međunarodni dokument, usvojen na Generalnoj skupštini Ujedinjenih naroda 20. studenoga 1989. godine, a sadrži univerzalne standarde koje država stranka Konvencije (tj. koja ju je potpisala i ratificirala) mora jamčiti svakom djetetu. U Konvenciji se govori, prije svega, o obvezama odraslih u odnosu prema djetetu kao i o obvezama brojnih društvenih čimbenika glede zaštite djeteta. To je prvi dokument u kojemu se djetetu pristupa kao subjektu s pravima, a ne samo kao osobi koja treba posebnu zaštitu. Za razliku od Deklaracije o pravima djeteta (1959.) koja ima moralnu snagu, Konvencija o pravima djeteta je pravni akt koji ima snagu zakona i obvezuje stranke na pridržavanje njezinih odredaba te uključuje pravo nadziranja primjene u državama koje su ju prihvatile i ratificirale

- *načelo participacije* (učesća) koji podrazumijeva da se djeci mora omogućiti učešće u odlučivanju o pitanjima koja se odnose na njihov život, te im se omogućiti sloboda izražavanja mišljenja, a provođenje ovog načela ne smije biti samo formalno, već suštinski provedeno;

kao odredbi Zakona o zabrani diskriminacije u Bosni i Hercegovini², i to diskriminacija temeljem jezika u oblasti obrazovanja.

Prema članku 7. Zakona o zabrani diskriminacije, Institucija Ombudsmana za ljudska prava Bosne i Hercegovine je središnja institucija za zaštitu od diskriminacije. te je povodom pritužbe mjerodavna pokrenuti postupak istraživanja.

Ističemo da je prema članku 15. Zakona o zabrani diskriminacije, teret dokazivanja na onome tko krši prava, odnosno navodni prekršitelj je dužan dokazati da nije prekršio načelo jednakog postupanja ili zabrane diskriminacije.

Obzirom na sve naprijed navedeno, tražimo sukladno članku 25. Zakona o ombudsmanu za ljudska prava Bosne i Hercegovine i članku 7. Zakona o zabrani diskriminacije, da nam u roku od tri (3) dana od dana prijema ovog akta dostavite:

- presliku predmetne Odluke o dodjeli besplatnih udžbenika za učenike osnovnih škola od prvog do četvrtog razreda;
- broj učenika na području Tuzlanskog kantona upisanih u prve do četvrtih razreda Osnovnih škola, a koji su dobili besplatne udžbenike;
- broj učenika upisanih u prve do četvrte razrede Javne ustanove Osnovna škola „Sveti Franjo“ Tuzla;
- pojašnjenje razloga zbog čega djeci navedene Javne ustanove nisu dodijeljeni besplatni udžbenici, osobito imajući u vidu činjenicu da nije riječ o privatnoj obrazovnoj ustanovi, već o javnoj, koja se financira iz proračuna.

S poštovanjem,



Po-ovlaštenju Ombudsmana BiH
Stručna savjetnica
 Vanja Burić

Dostaviti:
 1x naslovu
 1x pritužitelju
 1x u spis

² "Službeni glasnik BiH", broj 59/09, 66/16